

LA USC DI LADINS - VENERDI' 3 LUGLIO 2020

CULTURA

L Museo Ladin e sia sezions sul teritorie

Chest istà, per via de la restrizions da Covid, la vijitèdes vidèdes cogn vegnir prenotèdes

L Museo Ladin de Fascia à avert si ujes jà via per l meis de jujn e desche semper de messèl e aost i Servijes Educatives endreza la vijites vidèdes.

Per garantir la sanità di utenc e aldò de la indicazioni de la Provinzia de Trent per chel che vèrda la mesures da tor sù per l contegniment de l'emergenza sanitàra da Covid-19, podarà tor pèrt demò n numer limità de partezipanc, per chest l'è de obligh la prenotazion.

L Museo, olache se pel veder ence la neva instalzion multimediale

de «la vivana e l cian» endrezèda da pech temp, l'è avert enscin ai 10 de setember dal lunesc a la sabeda da les 10.00 a les 12.30 e da les 15.00 a les 19.00. Vigni mèrtesc da les 11.00 l'è la vijita vidèda da prenotèr al 0462 760182 al cost de 5 euro (deban con la Fassa Guest Card).

La sezion destachèdes del Molin de Pezol a Pera (enscin ai 10 de setember), l Segat aló da la Sia de la Frazion de Poza sa Meida (enscin ai 4 de setember) e la Sia te Strèda de Ciamp Trujan a Penia (enscin ai 3 de setember) é avertes dal lunesc

a la sabeda da les 10.00 a les 12.00 e da les 16.00 a les 19.00.

La sezions de L Malghier aló da la Mèlga de Fascia a Pera e del Stont a Ciampedel enveze é avertes enscin la fin de aost dal lunesc a la sabeda demò domesdi da les 16.00 a les 19.00.

Vijites vidèdes da prenotèr

Ence per la vijites vidèdes a la sezions sul teritorie l'è de obligh la prenotazion. De lunesc da les 11.00 l'è chela al Stont de Ciampedel, de

mercol da les 10.30 se pel veder chela del Malghier e da les 16.00 l Molin de Pera, de jebia da les 11.00 la Sia de Penia e de vender da les 11.30 l Segat sa Meida.

L cost per la vijites vidèdes é de 3 euro, fora che per l Malghier che la é de 5 euro, debant per chi che à la Fassa Guest Card.

La prenotazion cogn vegnir fata al numer de telefon 0462 760182, per l Molin de Pera se pel chiamèr ence al numer 0462 764089 e per l Stont de Ciampedel ence l numer 0462 750330.